

ARALIN 68

1. Ano ang ginawa ng mga tao kay Jesus bago Siya ipako sa krus?

-Siya ay hinampas at hinamak nila.

-Pinalo at dinuraan Siya.

-Naglagay sila ng koronang tinik sa Kanyang ulo.

2. Ano ang tanda ng koronang tinik?

-Ang koronang tinik ay tanda ng sumpa ng Diyos.

3. Nang ilagay ng mga kawal ang koronang tinik sa ulo ni Jesus, ano ang senyales nito?

-Isang tanda na dadalhin ni Jesus ang sumpa ng Diyos.

4. Bakit nagkaroon ng tatlong oras na kadiliman sa buong lupain?

-Ang tatlong oras na kadiliman ay isang tanda.

5. Ano ang tanda ng tatlong oras na kadiliman sa buong lupain?

-Iniwan ng Diyos Ama si Jesus sa krus.

6. Bakit pinabayaan ng Diyos Ama si Jesus?

-Pinarurusahan ng Diyos Ama si Jesus para sa iyong mga kasalanan, aking mga kasalanan, at ang mga kasalanan ng lahat ng tao.

-Si Jesus ay inilibing nang tatlong araw at tatlong gabi.

-Maagang maaga sa pagtatapos ng tatlong araw at tatlo gabi, ang ilan sa mga babae na naniniwala na si Jesus ay Diyos at Tagapagligtas ay pumunta sa Kanyang libingan.

Basahin natin ang Marcos 16:1

1-Nang makaraan ang Sabbath, sina Maria Magdalena, Mariang ina ni Santiago, at si Salome, ay bumili ng mga pabango upang sila'y pumunta roon at siya'y pahiran.

-Bakit pumunta ang mga babaeng ito sa libingan ni Jesus?

-Nais ng mga babae na pahiran ng pabango ang bangkay ni Jesus.

-Ito ay kaugalian ng mga Hudyo na magpahid sa mga bangkay ng pampabango bago ilibing.

-Dahil nagmamadaling inilibing si Jesus, hindi nila napahiran ng pabango ang bangkay ni Jesus.

-Ano ang nakita ng mga babae pagdating nila sa libingan?

Basahin natin ang Marcos 16:2-4

2-Pagka-umaga nang unang araw ng linggo, pagkasikat ng araw, pumunta sila sa libingan.

3-Kanilang sinabi sa isa't isa, "Sino kaya ang magpapagulong ng bato para sa atin mula sa pasukan ng libingan?"

4-Sa pagtanaw nila ay nakita nilang naigulong na ang bato na lubhang napakalaki.

-Sino ang nagpagulong ng malaking bato na nagsara ng libingan?

-Nagpadala ang Diyos ng isang anghel upang igulong ang bato.

-Nang pumasok ang mga babae sa libingan, ano ang kanilang nakita?

Basahin natin ang Marcos 16:5

5-At pagpasok nila sa libingan, kanilang nakita ang isang binata na nakabihis ng isang damit na maputi, nakaupo sa gawing kanan at sila'y nagtaka.

-Sa pagpasok ng mga babae sa libingan, nakakita sila ng isang anghel.

-Ano ang sinabi ng anghel sa mga babae?

Basahin natin ang Marcos 16:6

6-Ngunit sinabi niya sa kanila, “Huwag kayong magtaka; Hinahanap ninyo si Jesus na taga-Nazaret na ipinako sa krus. Siya'y muling binuhay. Wala siya rito. Tingnan ninyo ang dakong pinaglagyan nila sa kanya!”

-Ano ang sinabi ng anghel tungkol kay Jesus?

-Sinabi ng anghel na wala roon si Jesus.

-Bakit wala si Jesus?

-Dahil si Jesus ay muling nabuhay mula sa mga patay.

-Sinabi ng anghel na si Jesus ay muling nabuhay mula sa mga patay tulad ng sabi ni Jesus.

-Inutusan din ng anghel ang mga babae na pumunta sa mga disipulo ni Jesus at sabihin na si Jesus ay nabuhay mula sa mga patay.

Basahin natin ang Marcos 16:7-8

7-“Subalit humayo kayo, sabihin ninyo sa kanyang mga alagad at kay Pedro na siya'y mauuna sa inyo sa Galilea. Doon

ninyo siya makikita, ayon sa sinabi niya sa inyo.”

8-At sila'y nagsilabas at nagsitakas mula sa libingan, sapagkat sila'y sinidlan ng sindak at pagkamangha, at wala silang sinabi kaninuman sapagkat sila'y natakot.

-Natatakot ang mga babae kaya hindi nila sinabi sa mga alagad noong una.

-Mayamaya, isa sa mga babae, si Maria Magdalena, ay pumunta upang sabihin sa mga alagad.

Basahin natin ang Marcos 16:9-13

9-Nang siya nga'y magbangon nang unang araw ng linggo ay una siyang nagpakita kay Maria Magdalena, na mula sa kanya'y pitong demonyo ang pinalayas niya.

10-Siya'y lumabas at ibinalita sa mga naging kasama ni Jesus, samantalang sila'y nagluluksa at tumatangis.

11-Ngunit nang kanilang mabalitaan na siya'y buháy at nakita ni Magdalena ay ayaw nilang maniwala.

12-Pagkatapos ng mga ito ay nagpakita siya sa ibang anyo sa dalawa sa kanila noong sila'y naglalakad patungo sa bukid.

13-At sila'y bumalik at ipinagbigay-alam ito sa mga iba ngunit hindi rin sila naniwala.

-Kahit na sinabi ni Maria Magdalena at ng dalawa pang lalaki sa mga disipulo na si Jesus ay nabuhay mula sa mga patay, ang mga disipulo hindi maniwala sa kanila.

-Samakatuwid, si Jesus mismo ay nagpakita sa mga disipulo.

Basahin natin ang Marcos 16:14

14-At pagkatapos siya'y nagpakita sa labing-isa samantalang sila'y nakaupo sa hapag-kainan; Sila'y kanyang pinagsabihan dahil sa kawalan nila ng pananampalataya at katigasan ng puso, sapagkat hindi nila pinaniwalaan ang mga nakakita sa kanya pagkatapos na siya'y muling mabuhay.

-Bakit sinaway ni Jesus ang mga disipulo?

-Dahil hindi naniwala ang mga alagad na nabuhay na mag-uli si Jesus mula sa mga patay.

-Pagkatapos ay binigyan ni Jesus ang mga alagad ng utos.

Basahin natin ang Marcos 16:15

15-At sinabi niya sa kanila, “Humayo kayo sa buong sanlibutan, at inyong ipangaral ang ebanghelyo sa lahat ng nilikha.”

-Ano ang utos na ibinigay ni Jesus sa Kanyang mga disipulo?

-Pumunta sa buong mundo at ipangaral ang Mabuting Balita sa lahat ng tao.

-Ano ang Mabuting Balita?

-Ang Salita ng Diyos.

-Ibinigay ba ni Jesus ang utos na ito sa Kanyang mga disipulo lamang?

-Hindi.

-Ibinigay ni Jesus ang utos na ito sa Kanyang mga disipulo at sa lahat ng tao na naniniwala sa Kanya.

-Nais ni Jesus na ang lahat ng taong naniniwala sa Kanya ay pumunta at magbahagi sa iba tungkol sa Salita ng Diyos.

-Mahal ni Jesus ang lahat ng tao, at gustong iligtas ang lahat ng tao mula sa kapangyarihan ng kasalanan, kamatayan, at kay Satanas.

Basahin natin ang Juan 3:16

16-Sapagkat gayon na lamang ang pag-ibig ng Diyos sa sanlibutan na ibinigay niya ang kanyang tanging Anak, upang ang sinumang sa kanya'y sumampalataya ay huwag mapahamak kundi magkaroon ng buhay na walang hanggan.

-Ito ang dahilan kung bakit ako naparito upang sabihin sa iyo ang Salita ng Diyos.

-Upang hindi mo na kailangang mamatay at mapunta sa apoy at walang hanggang kaparusahan.

-Bakit kinailangang mamatay ni Jesus?

-Nagkasala ba si Jesus?

-Hindi.

-Kung gayon bakit kinailangang mamatay ni Jesus?

-Dahil lahat ng tao ay nagkasala, dapat nating bayaran sa Diyos ang kaparusahan sa kasalanan.

-Ano ang parusa ng Diyos sa kasalanan?

-Kamatayan.

-Dahil ang lahat ng tao ay nagkasala, ang kabanalan ng Diyos ay nangangailangan ng kabayaran sa ating kasalanan at ito ay kamatayan.

-Walang ibang paraan upang mabayaran ang kasalanan maliban sa kamatayan.

-Gayunpaman, dahil mahal tayo ng Diyos, ayaw ng Diyos na maparusahan tayo.

-Paano mapaparusahan ng kamatayan ang ating kasalanan, kung tayo ay nabubuhay pa?

-Si Jesus, ang Diyos na Tagapagligtas, ay namatay sa ating lugar.

-Si Jesus, ang Diyos na Tagapagligtas, ay namatay upang tayo ay mabuhay.

-Ito ang hindi naunawaan ng mga alagad.

-Hindi naunawaan ng mga alagad na si Jesus ay mamamatay at kaya pa rin tayong iligtas.

-Hindi naunawaan ng mga alagad na ang kamatayan ni Jesus lamang ang makakapagligtas sa atin.

-Ang kamatayan ni Jesus sa krus ay ang kabayaran ng ating mga kasalanan.

-Ang dugo ni Jesus na tumagas sa krus ay ang dugo na kabayaran sa ating mga kasalanan.

-Bakit tinanggap ng Diyos ang hain ni Abel at tinanggihan ang sakripisyo ni Cain?

-Dahil si Abel ang nagdala ng dugo ng isang kordero at si Cain ay hindi.

-Bakit pinatay ng Diyos ang mga panganay ng mga Ehipsiyo at hindi ang mga panganay ng mga Israelita?

-Dahil tinakpan ng mga Israelita ang mga pintuan ng kanilang mga tahanan ng dugo ng mga tupa.

-Si Jesus ang Kordero ng Diyos.

-Inihain ng Diyos Ama si Jesus bilang isang Kordero upang pagbayaran ang ating mga kasalanan.

-Tumagas ang dugo ni Jesus upang iligtas tayo at mabayaran ang ating mga kasalanan.

-Nang mamatay si Jesus sa krus, sinabi Niya, “Naganap na.”

-Ano ang ibig sabihin ni Jesus nang sabihin Niyang, “Naganap na”?

-Ang ibig bang sabihin ni Jesus ay natapos na ang Kanyang buhay?

-Hindi.

-Ano ang ibig sabihin ni Jesus nang sabihin Niya, “Naganap na,” sa krus?

-Ang ibig sabihin ni Jesus ay ang gawaing ibinigay ng Diyos Ama

sa Kanya para iligtas tayo ay tapos na.

-Bakit ang gawain na ibinigay ng Diyos Ama kay Jesus ay tapos na?

-Dahil ang kamatayan ni Jesus ay ganap na nagbayad para sa mga kasalanan ng lahat ng mga tao.

-Dahil ang dugo ni Jesus ay ganap na nagbayad para sa mga kasalanan ng lahat ng mga tao.

-Paano natin malalaman na ang ginawa ni Jesus na iligtas ang lahat ng tao ay tapos na?

-Dahil ang kamatayan ni Jesus ay isang perpektong sakripisyo para sa lahat ng tao.

-Dahil ang dugo ni Jesus ay isang perpektong sakripisyo para sa lahat ng tao.

-Paano pa natin malalaman na ang gawain ni Jesus na iligtas ang lahat ng tao ay natapos na?

-Dahil binuhay ng Diyos Ama si Jesus mula sa mga patay.

-Kung ang ginawa ni Jesus na iligtas ang lahat ng tao ay hindi natapos, kung gayon hindi na sana binuhay ng Diyos Ama si Jesus mula sa mga patay.

-Kung ang Diyos ay hindi nasiyahan sa perpektong kabayaran ni Jesus para sa kasalanan, kung gayon hindi na sana binangon ng Diyos Ama si Jesus mula sa patay.

-Narito ang isang paglalarawan:

-Ang isang tao ay nagnakaw ng isang baka at dapat manatili sa bilangguan ng isang taon.

-Pagkatapos ng taon, siya ay nakalabas mula sa bilangguan.

-Kung makita ng pulis ang lalaki sa labas ng kulungan, ibabalik ba siya sa kulungan?

-Hindi.

-Bakit hindi?

-Dahil ang lalaki ay nanatili sa bilangguan ng isang taon, at tapos na ang kabayaran sa pagnanakaw ng baka.

-Dahil tapos ng binayaran ni Jesus ang mga kasalanan ng lahat ng tao, binuhay ng Diyos si Jesus mula sa mga patay.

-Nang mamatay si Jesus, bakit pinunit ng Diyos sa dalawa ang kurtina sa templo?

-Pinunit ng Diyos sa dalawa ang kurtina upang ipakita na wala nang naghihiwalay sa pagitan ng Diyos at ng tao.

-Bakit wala nang naghihiwalay sa pagitan ng Diyos at ng tao?

-Dahil tapos na bayaran ni Jesus ang kasalanan ng lahat ng tao na naghihiwalay sa atin sa Diyos.

-Matapos na utusan ni Jesus ang Kanyang mga disipulo na pumunta at ibahagi sa iba ang Salita ng Diyos, bumalik si Jesus sa langit.

Basahin natin ang Mga Gawa 1:9

9-Pagkasabi niya ng mga bagay na ito, habang sila'y nakatingin, dinala siya sa itaas at siya'y ikinubli ng ulap sa kanilang mga paningin.

-Tulad ng sinabi ng Diyos sa pamamagitan ng mga propeta maraming taon na ang nakararaan, ang Ang Tagapagligtas ay babalik sa langit.

Basahin natin ang Mga Gawa 1:10

10-Samantalang nakatitig sila sa langit at siya'y papalayo, biglang may dalawang lalaki ang tumayo sa tabi nila na may puting damit,

-Sino ang dalawang lalaking nakasuot ng puti na tumabi sa mga alagad?

-Sila ay dalawa sa mga anghel ng Diyos.

-Ano ang sinabi ng mga anghel sa mga disipulo ni Jesus?

Basahin natin ang Mga Gawa 1:11

11-Na nagsabi, “Kayong mga lalaking taga-Galilea, bakit kayo'y nakatayong tumitingin sa langit? Itong si Jesus, na dinala sa langit mula sa inyo ay darating na gaya rin ng inyong nakitang pagpunta niya sa langit.”

-Sinabi ng mga anghel na babalik si Jesus sa lupa.

-Pagbalik ni Jesus sa lupa, ano ang Kanyang gagawin?

-Babalik ba si Jesus sa lupa upang iligtas tayo sa kapangyarihan ng kasalanan, kamatayan, at kay Satanas?

-Hindi.

-Bakit hindi?

-Dahil natapos na ni Jesus ang gawaing iligtas tayo sa kapangyarihan ng kasalanan, kamatayan, at kay Satanas.

-Naaalala mo ba ang sinabi ni Jesus sa mataas na saserdote noong siya ay tinanong kung si Jesus ba ang Kristo?

Basahin natin ang Marcos 14:61-62

61-Ngunit siya'y tumahimik at hindi nagsalita ng anuman. Tinanong siyang muli ng pinakapunong pari at sinabi sa kanya, “Ikaw ba ang Cristo, ang Anak ng Pinagpala?”

62-Sinabi ni Jesus, “Ako nga; At makikita ninyo ang Anak ng Tao na nakaupo sa kanan ng Makapangyarihan at dumarating na nasa mga alapaap ng langit.”

-Pagbalik ni Jesus sa lupa, hindi na babalik si Jesus bilang Tagapagligtas, ngunit bilang Hukom.

-Pagbalik ni Jesus sa lupa, babalik si Jesus para hatulan ang lahat ng taong mga hindi naniniwala sa Kanya bilang Tagapagligtas.

-Pagbalik ni Jesus sa lupa, ipapadala ni Jesus ang lahat ng mga hindi naniniwala sa Diyos sa Lawa ng Apoy.